

O‘ZBEKISTON VA ISPANIYA DAVLATLARINING TA’LIM SOHASIDAGI HAMKORLIK ALOQALARI RIVOJLANISHI

Izzatova Ra’no Ulug‘bekovna

Chirchiq davlat pedagogika universiteti

E-mail: ranoizzatova377@gmail.com

Ilmiy rahbar: **Izzatova Aziza Ulug‘bekovna**

E-mail: izzatovaaziza8@gmail.com

Annotatsiya: Mazkur maqolada O‘zbekiston va Ispaniya ta’lim sohasidagi hamkorlik aloqalari, rivojlanishi uning istiqbollari to‘g‘risida so‘z boradi.

Kalit so‘zlar: Samarqand, Universitet, ta’lim, hamkorlik, delegatsiya, Xorazmiy.

DEVELOPMENT OF COOPERATIVE RELATIONS BETWEEN UZBEKISTAN AND SPAIN IN THE FIELD OF EDUCATION

Izzatova Rano Ulugbekovna

Chirchik State Pedagogical University

E-mail: ranoizzatova377@gmail.com

Scientific supervisor: **Izzatova Aziza Ulug‘bekovna**

E-mail: izzatovaaziza8@gmail.com

Abstract: This article talks about cooperation relations between Uzbekistan and Spain in the field of education, its development prospects.

Key words: Samarkand, University, education, cooperation, delegation, Khorezm

O‘zbekiston va Ispaniya o‘rtasida ta’lim sohasida ham hamkorlik juda yaxshi yo‘lgan qo‘yilgan. Bunda ikki davlat universitetlari o‘rtasida hamkorlik ishlari amalga oshirilib yangi istiqboldagi rejalar tuzilmoqda.

Dastlabki yillarda, ya’ni 2001 yil 20 mart kuni Ta’lim va madaniyat sohasidagi almashinuv va hamkorlik ikki xalq o‘rtasida o‘zaro bilim va tushunishni kengaytirish maqsadida, Ispaniya Qirolligi va O‘zbekiston Respublikasi o‘rtasida madaniy va ta’limiy hamkorlik to‘g‘risidagi shartnoma imzolandi. Ushbu shartnoma 12 moddadan iborat bo‘lib, bunda tomonlar ikki mamlakat o‘rtasidagi madaniy-ma’rifiy hamkorlikni rivojlantirishga ko‘maklashishlari, O‘qituvchilar, mutaxassislar, talabalar va o‘quvchilar almashinuvi, nashrlar va madaniy materiallar almashinuvi, axborot, kitoblar, o‘quv materiallari va boshqa bibliografik va audiovizual materiallar bilan almashish, ijodiy jamoalar, teatr, musiqa va raqs guruhlari, shuningdek ba’zi tarjimonlar bilan almashinish, har ikki mamlakatda o‘tkaziladigan festivallar, tanlovlar, madaniyat kunlari va o‘n kunliklari va boshqa tadbirlarni tashkil etish va ishtirok etish, ikki tomon uchun ham manfaatdor deb hisoblangan boshqa ta’lim va madaniyat sohalarida hamkorlikni rivojlantirish kabilar ko‘zda tutilgan.

2002 yilning 28 avgust – 2 sentyabr kunlari “Alkala de Enares” universiteti rektori Manuel Gala Munos boshchiligidagi delegatsiya O‘zbekistonga qilgan tashrifi chog‘ida u O‘zbekistonning Birinchi Prezidenti Islom Karimovga universitetning “Sisneros” medali va faxrli diplomi hamda kumush plastinasini topshirdi [1].

Ikki davlatlar o‘rtasida ta’lim sohasidagi hamkorlik aloqalarini 1999 yildan Toshkent irrigatsiya va meloratsiya instituti bilan Kataloniya politexnika universiteti o‘rtasidagi hamkorlik aloqalarida ko‘rish mumkin. Bu aloqalar tobora rivojlanib bormoqda [2]. Ayniqsa, O‘zbekiston Davlat jahon tillari universitetining ispan tili fakulteti tomonlar o‘rtasidagi hamkorlik aloqalarining rivojlanishida muhim omil bo‘lmoqda. Ispaniyaning Madrid, Granada, Alkala de Enares va Malaga universitetlarning salohiyatli professor – o‘qituvchilari O‘zDJTUda samarali tarzda faoliyat ko‘rsatishmoqda. Shu bilan birga ikki mamlakat madaniyati va ta’lim tizimini qiyosiy o‘rganish borasida darslik hamda turli adabiyotlarni ayriboshlashga kelishib

olingan. Chunonchi, 1998 yili mamlakatimizda ispan tili va madaniyati markazi tashkil qilindi [3].

2019-yilda Ispaniyaning Nebrixa universiteti bilan Toshkent Davlat Iqtisodiyot universitetlari o'rtasida hamkorlik to'g'risidagi memorandum imzolandi. Ispaniyaning Nebrixa universiteti prezidenti Xoakin Espayargas Ibernini boshchiligidagi delegatsiya Toshkent Davlat Iqtisodiyot universitetiga tashrif buyurdi. Delegatsiya a'zolari dastlab universitetda olib borilayotgan o'quv jarayonlari, o'quv auditoriyalari hamda o'quv-amaliyot xonalari imkoniyatlari bilan tanishdilar. Shundan so'ng Toshkent Davlat Iqtisodiyot universiteti rektori Bahodir Xodiyev delegatsiya a'zolarini qabul qildi. O'tkazilgan muzokaralar davomida ikki tomonlama hamkorlikni yo'lga qo'yish, qo'shma ta'lim loyihalarini amalga oshirish, yevropa ittifoqining erasmus dasturi doirasida diplomlarni berishning ikki tomonlama tizimini joriy etish kabi masalalar muhokama qilindi. Uchrashuv so'ngida ikki tomonlama hamkorlik to'g'risidagi memorandum imzolandi. Nebrixa nufuzli xususiy universitet bo'lib, 1995 yilda Madridda tashkil etilgan. "QS World University Rankings 2019" xalqaro ta'lim reytingining masofadan turib o'qitish uslubi uchun "Ranking International QS Stars" yo'nalishida eng ko'p 5 yulduzga ega. Dunyoga mashhur "CEO Magazine"ning "2018 Global MBA Rankings" reytingida MBA dasturi Evropadagi eng yaxshi 21 va Ispaniyada 6 talikka kiradi. Shet ellik talabalar soni bo'yicha Ispaniyada birinchi o'rinni egallaydi[4].

Samarqand davlat universiteti Yevropa, AQSH, MDH davlatlarining rivojlangan oliy ta'lim muassasalari, o'quv va ilmiy tadqiqot markazlari bilan hamkorlik aloqalarini olib bormoqda. Universitetda chet el OTM va ITI lari bilan 30 dan ziyod shartnoma va memorandumlar imzolagan. Bunga so'nngi yillar davomida universitet rahbar xodimlarini va professor-o'qituvchilar 60 dan ortig'i malaka oshirish kurslariga, stajirovkalarga yuborilganini misol qilish mumkin. Ispaniyaning Granada universiteti bilan tuzilgan shartnoma asosida 2018 yil 26-27 iyun kunlari Granada universitetining Informatika va tarmoq kommunikatsiyalariga hizmat ko'rsatish markazi boshlig'i Antonio Ruiz Moya ishtirokida Samarqand davlat universitetining amaliy matematika

va informatika fakultetida seminar-trening bo‘lib o‘tdi. Ushbu seminarda xorijdan tashrif buyurgan mutaxassis fakultetning bir guruh talabalari va o‘qituvchilariga "Granada universitetida axborot texnologiyalar sohasida tadqiqotlar: axborot texnologiyalari va telekommunikatsiyalar tuzilmasi, obyekt va subyektlari, kasbiy malakalar, ilovalarga misollar" hamda "Granada universiteti tarmog‘iga hizmat ko‘rsatish markazi: tarmoqning foydalanuvchilari ehtiyojlariga yo‘naltirilgan vazifalari, raqamlar, ifratuzilma, tarmoqni boshqarish" mavzularida ma‘ruza qildi [5].

2020-yilda Ispaniya Sog‘liqni saqlash vazirligi, Palma de Mayorka provinsiyasi rahbariyati, Balear universiteti vakillari hamda O‘zbekiston Respublikasi Sog‘liqni saqlash vazirligi va Toshkent davlat stomatologiya instituti hamkorligida tashkil etilgan anjumanda kelishuvga erishildi. Unga ko‘ra, Ispaniyaning Balear universitetining ADEMA stomatologiya ta‘lim dargohida Toshkent davlat stomatologiya institutining filiali tashkil etiladigan bo‘ldi. Bu haqda Sog‘liqni saqlash vazirligi xabar berdi. Qayd etish kerak, bu O‘zbekiston oliy ta‘lim muassasalarining rivojlangan Yevropa davlatlaridagi ilk filiali hisoblanadi. Onlayn konferensiya tarzida o‘tkazilgan muzokarada Ispaniya sog‘liqni saqlash vaziri P.Gomes, Palma de Mayorka shahri meri X.Xila, Balear universiteti prezidenti D.Karassko, Ispaniyaning O‘zbekistondagi faxriy konsuli Karlos Martines va Toshkent davlat stomatologiya instituti rektori Nodir Haydarov ishtirok etdi va kelishuv imzolashdi. Unga ko‘ra, har ikkala oliy ta‘lim muassasasi tomonidan yiliga 30 nafar pedagoglar dars mashg‘ulotlariga jalb etilishi, stomatologiyaning oltita yo‘nalishi bo‘yicha ispaniyalik mutaxassislarni qayta tayyorlash va malaka oshirishi uchun kurslarda o‘qitishga kelishib olindi. Shuningdek, anjumanda 2021-yildan 100 nafar ispaniyalik talaba stomatologiya yo‘nalishi bo‘yicha malaka oshirish kurslariga qabul qilinishi, ispaniyalik bemorlarga O‘zbekistondagi tibbiy turizm tizimi salohiyatidan foydalanishga sharoit yaratish kabi bir qator masalalar ham belgilab olindi. Ispaniyaning Balear universiteti 1978-yilda tashkil etilgan bo‘lib, Balear hukumati tomonidan boshqariladi [6].

Xulosa o'rnida shuni aytishimiz kerakki, Ikki davlat o'rtasidagi madaniy aloqalarning kelgusidagi istiqbollari yanada rivojlantirish O'zbekiston va Ispaniya o'rtasidagi hamkorlikning asosiy mavzularidan biri bo'lib kelmoqda. Davlatlar o'rtasidagi boshqa aloqalar ham madaniy hamkorlik negizida rivojlanib borishini takidlash albatta o'rinli bo'ladi.

Foydalanilgan adabiyotlar ro'yxati:

- [1]. MID RUz // Sotrudnichestvo Respubliki Uzbekistan so stranami Yevropy. Uzbeksko-ispanskije otnosheniya. Sotrudnichestvo v kulturno-gumanitarnoy sfere. [http:// www.mfa.uz](http://www.mfa.uz)
- [2]. Islom Karimovning Madriddagi muzokaralari // Xalq so'zi. № 8. 2009. 28 may.
- [3]. Qit'alar tutashgan mamlakat // Ishonch. № 3. 2003 yil. 5 fevral.
- [4]. <http://tsue.uz/uz/ispaniya-universiteti-bilan-hamkorlik-togrisidagi-memorandum-imzolandi/>
- [5]. <http://www.samdu.uz> //Granada universiteti bilan hamkorlik //29.06.2018
- [6]. <https://xs.uz/uz/post/> Toshkent-davlat-stomatologiya-institutining-ispaniyada-filiali-tashkil-etiladi.
- [7]. Feruza Nurbayeva, Nodira Kholmonova, Aziza Izzatova (2020). About the ancestors of Amir Temur in historical works. Дистанционные возможности и достижения науки / Сборник тезисов научно-практической конференции. Киев. Стр. 76-79.
- [8]. Aziza Izzatova (2019) O'ZBEKISTON RESPUBLIKASINING ISPANIYA BILAN SAVDO-IQTISODIY, MADANIY ALOQALARINING RIVOJLANISHI. ЎЗБЕКИСТОННИНГ ЖАҲОН ҲАМЖИМАТИГА ИНТЕГРАЦИЯЛАШИШ ЖАРАЁНИ. Республика илмий-амалий конференцияси материаллари тўплами. Тошкент. Бет.154-158.